

Lasa eta Zabala

gorpuzkinak Euskal Herrian

«Setio egoeran ginela zirudien»

Lasa eta Zabala senideek «hipokritatzat» jo dituzte alderdien kritikak

Joxean Lasa eta Joxi Zabala senideak etsipen eta amorru biziz azaldu ziren atzo jendaurrean, Hondarribiko aireportuan eta Tolosako hilerrian pairatutako «tratu umiliagarria» salatzeke. «Setio egoeran ginela zirudien» esan zuen Arantxa Lasak hilerrian bizi izandakoa azaltzeko.

JON ESKISABEL / DONOSTIA

Juan Mari Zabala aitortu zuenez, asteazkenean gertatutakoa «betiko grabaturik» geldituko da senideen oroimenean. «Ezintasuna», «abandonoa» eta «umiliazioa» izan ziren Joxean Lasa eta Joxi Zabala ahaideek Hondarribiko aireportuan eta Tolosako kanposantuan jasanakoa deskribatzeko erabilitako hitzetako batzuk. Gertatutakoak ez duela inolako justifikaziorik azpimarratu zuten eta alderdi politikoen jokaera «hipokrita» kritikatu zuten.

Arantxa Lasak azaldu zuenez, gurutze-bidea aireportuan hasi zen. Hango tentsio egoeran hiru orduz itxaron ondoren eta gorpuak euren esku utziko zituztela uste zutela, hala agindu baitzuten, «engainatu egin gintuzten eta beste alde batetik ihes egin zuten gorpuak». Une gogorrenak, ordea, Tolosako hilerrian bizi izan zituzten senideek. Iris-tean Ertzaintzaren kontrolarekin topatu ziren, «eta orduan jaso genituen lehenengo kolpeak eta bultzadak», Juan Mari Zabala esan zuenez. «Hilerria tanke-etez eta beltzez inguraturik ze-



«Gure artean sentitzeko aukerarik ez dugu izan» azaldu zuten Lasa eta Zabala senideak.

ANDER GILNEA

goen, setio egoeran ginela zirudien», gaineratu zuen Lasak.

Zerraldoen gainean argazkiak eta loreak jartzeko asmoz, hil-autoak ireki zituztenean Ertzaintza bertakoen kontra oldartu zen. Orduko eszena deskribatzetik ez dagoela esan zuten senideek: «Lore koroak airean, Zabala aita eta ilobak lurrean, negarrez, kolpeak anaiei...». Ertzaintzak tramitzeko agiria sinatu gabe zegoela argudiatu zuen. «Gorpuen entrega sinatzea nahi zuten eta uko egin genion. Zureko bi kutxa entregatu zizkiguten», esan zuen Zabala anaia. Oraindik ere «ez dakigu gure anaia edo bi kutxa hutsik lurperatu ditugun, hori da gelditzen zaigun samintasuna», esan zuen.

Iñigo Iruin senideen abokatuak eta Ertzaintzako buruak hitzartu bazuten ere senideak bakarrik geldituko zirela gorpuekin kaperan otoitz egiteko, hura ere ez zutela errespetatu eta bost sekreta sartu zirela salatu zuten familiak. Halaber, ehorzketa «patetikoa» gertatu zela, «beltzez eta sekretez inguraturik», adierazi zuen Zabala. «Omenaldi bat egiteko, gure artean sentitzeko aukerarik ez genuen izan», gaineratu zuen etsipenez.

ALDERDIEN JARRERA «HIPOKRITA» Alderdi politiko gehienek gertatutakoaren errua Carlos Bueren Entzutegi Nazionalako epaileari egotziz izan duten erreakzioa kritikatu zuten

senideek, eta «hipokritatzat» jo zituzten. «Alderdiek bultzatu dute hau dena. Beren esku zuten irtenbidea, baina ez zuten ezer egin», esan zuen Juan Mari Zabala. Senideen iritziz, gertatutakoaren irudiak telebistan eta prentsan agertu direlako egin dituzte alderdiek kritikak. Aireportuan eta hilerrian elkatasuna azaldu zieten lagunei eskerrak eman zizkieten senideek.

Lasa eta Zabala omenaldia jasoko dute gaur Tolosan

J. E. / DONOSTIA

Carlos Bueren epailearen jokaera dela medio bi aldiz atzeratu den omenaldia gaur arratsaldean egingo diete Tolosan Joxean Lasa eta Joxi Zabala eta beren familiei. Omenaldia 17.30etan hasiko da, eta besteak beste, bertso-lariek, Mikel Markez eta Anje Duhalde kantariak eta Amnistiaren Aldeko Batzordeetako kide batek eta Senideak elkarteko beste batek hartuko dute parte. Ekitaldia «xumea eta zintzoa», baina aldi berean «gerra zikinaren aurkako oihua» izango dela adierazi zuen Juan Mari Olano AABetako kideak.

Gaur Donostian izango den Bakearen Aldeko Kontzertuan antolatzaileek Lasa eta Zabala oroitzeko asmoa azaldu dute. Olanok, hala ere, horrelakorik ez egiteko eskatu zien, «iraingarria eta zinikoa» izango delakoan. Kontzertu horretan «Lasa eta Zabala bahiketaren eta hilketaren arduradun politikoak izango dira» esan zuen. «Omenaldia Intxaurrendoko koartelean, Galindo buru dela, egitea bezala izango litzateke», gaineratu zuen.

Tolosako Udalak San Joan eguneko jaiak bertan behera utzi ditu gaur arratsaldeko bostetatik aurrera.

Ardanza «neurriak» hartzeko prest dago Ertzaintzaren jokaera gehiegizkoa izan bada

F.I. / GASTEIZ

Jose Antonio Ardanza lehen-dakaria «neurriak» hartzeko prest azaldu da, Tolosa eta Hondarribian Ertzaintzak izan zuen jokabidea «neurritz kanpoko» izan zela frogatuko balitz. Hainbat pertsona zauritu zituen Ertzaintzak Tolosako hilerrian Lasa eta Zabala gorputz hondarrak ekarri zituztenean. Hondarribiko aireportuan ere kanpoan bildutakoak sakabanatu egin zituzten.

Guztiaren berri emateko Juan Maria Atutxa Barne sailburuak agerraldia eskatu du Gasteizko Legebiltzarrean. Ezker Abertzaleak taldeak berehala agertzeko eskatu badu ere, informazioa

guztia bildu arte ez da agertuko, lehendakariak atzo iragarri zuenez.

Ardanzak, hala ere, auzi honetan «iparra ez galtzeko» eskatu du. Ertzaintzak Carlos Bueren Entzutegi Nazionalako epailearen agindua bete zuela azpimarratu zuen, eta, gainera, auzi hau Joxean Lasa eta Joxi Zabala 1983an bahitu, torturatu eta hil zutenek eragin dutela gogoratu zuen.

Ertzaintza, nahi gabe, «bi fronteren artean» geratu dela ondorioztatu zuen lehendakariak, batetik «istiluak sortzeko aitzakiarik behar ez dutenen, hau da, KASen», eta bestetik delituak egin zituztenen artean. Egoera horretan, Ertzaintzak

Bueren epailearen agindua bete baino ez zuela egin adierazi zuen. Joxean Lasa eta Joxi Zabala gorputz hondarrak Hondarribiko aireportutik Tolosako hilerria eramane eta ehortzeko zen agindua.

Lan hori istilurik gabe egitea ia ezinezkoa iruditu zaio Jose Antonio Ardanza. Adibide bat jarri zuen: «Uretan sartu eta busti gabe ateratu. Hori zen Ertzaintzari emandako agindua eta niri iruditzen zait zaila dela benetan lan hori egoki betetzea». Ertzaintzaren jokabidea justifikatzeko zirudien adierazpenaren ondoren, jokabidea zuzena izan zen edo ez ez zuela esango erantsi zuen Euskal Autonomi Elkarteko lehendakariak.

UNIVERSIDAD PÚBLICA DE NAVARRA
NAFARROAKO UNIBERTSITATE PUBLIKOA

SARTZEKO ESKAERA (AURREINSKRIPZIOA) 1995/96 IKASTURTEA

UNIBERTSITATE HONETAKO IKASTETXEETAN IKASKETAK HASTEA ESKATZEN DUTEN IKASLE GUZTIENTZAT EZINBESTEKO, IREAILAN U.B.I., SELEKTIBITATEA, L.H. II EDO BATXILERGO ESPERIMENTALA GAINIDTZEKO DAUKATENAK BARNE.

NAFARROAKO FORU KOMUNITATEAREN BARRUTIAN U.B.I. NAHIZ I.E.E. KO 2. ZIKLOA IKASI DUTEN IKASLEEK, GAINIDTUA IZAN ALA EZ, EZ DUTE IZAPIDE HAU EGIN BEHARRIK HAIEN IKASTETXEAREN BIDEZ EGIN BAITZUTEN.

EPEA:

EKAINAREN 22tik 30era

INPRIMAKIAK NON HARTU: Atezaintzan (Beheko solairua.- Ikasgelategiaren Eraikinean.- Arrosadiako Campusa)

NON AURKEZTU: Sarbide Bulegoan (Beheko solairua.- Ikasgelategiaren Eraikinean.- Arrosadiako Campusa).

ORDUTEGIA: 9'30etatik 14etara (astelehenetik ostiralera)

Espedientearen Lekualdaketak

Unibertsitate Barruti honetako edo beste bateko ikasleak.

Unibertsitate karrera batean irakasgai BAT edo gehiago gainditu eta haien espedientea lekualdatu nahi duten ikasleek, Unibertsitate honetako Ikastetxeren batean haien ikasketak jarraitzeko, lekualdaketak eskatu beharko dute.

• Beste Unibertsitate batean unibertsitate ikasketak hasi dituzten ikasleak eta ikasketa horiek Nafarroako Unibertsitate Publikoan jarraitu nahi dituzten ikasleak. **Karreraren lehen ikasmaila oso-osorik gainditu badute.**

EPEA: ekainaren 22tik uztailaren 19ra.

NON: Titulazioari dagokion Bulegoan (Beheko solairua.- Ikasgelategiaren Eraikinean.- Arrosadiako Campusa).

• Karrearen lehen ikasmaila oso-osorik gainditu ez badure edo Unibertsitate honetan ikasketa desberdinak jarraitu nahi badituzte. Onarpen eskaeraz gain espedientearen lekualdaketa eskara ere aurkeztu beharko dute.

EPEA: ekainaren 22tik 30era.

NON: Sarbide Bulegoan (Beheko solairua.- Ikasgelategiaren Eraikinean.- Arrosadiako Campusa).